

Dakota ta ricibí su promé y único botica cu mannan habrí

DAKOTA - Despues di mas cu 10 di experiencia na Aruba, Apotheker Ruud Wilming ta asercá comerciante Norman de Cuba pa lanta un botica. Despues di a

sondea e diferente barriornan no tabatin duda cu esun mas apropiá tabata Dakota.

Fuera cu e barrionan di Mon Plaisir te Simeon Antonio y di Dakota te Wayaca no tin un



Ruud Wilming y Norman de Cuba



Botica Dakota paden y pafor



Dokter di Cas, nan no tabatin un botica tampoco.

Na luna di Augustus 1999, e preparacionnan a cuminzá. A

haya locacion den Fergusonstraat caminda antes tabata situá un gym. Esey kier men cu mester a haci hopi cambio pa e local sirbi su propósito nobo. Y e trabaonan ey a cuminzá di inmediato.

Combinando nan experiencia den comercia y medicamento Sr. de Cuba a zorg pa Botica Dakota ta un lugar caminda por haya casi tur cos y Sr. Wilming a enfocá pa tin un receptuur bonekipá y surtí. Ruud Wilming ta encargá di e departamento aki huntu cu tres asistente. Number di telefon ta 887364.

For di promé instante cu hendenan den barrio a ripará ta kico tabata preparando, reaccionnan di parti di Dakoteronan tabata sumamente positivo y di alivio mirando cu por fin nan lo tin un botica serca di cas.

Bon Dia Aruba ta felicitá pueblo di Dakota y vecindario pabien cu nan botica y na propietario y empleadonan hopi éxito.